

## ॥ भाग्यसूक्तम् ॥

(तैत्तिरीय ब्राह्मणम् अष्टकम् - ३/प्रश्नः - ८/अनुवाकम् - ९)

प्रा॒तर॒ग्निं प्रा॒तरिन्द्र॑ हवामहे प्रा॒तर्भि॑त्रा वरुणा प्रा॒तर॒श्विना॑ ।  
प्रा॒तर्भगं॑ पू॒षणं॑ ब्र॒ह्म॒णस्पतिं॑ प्रा॒तः सोम॑मु॒त रु॒द्रं हु॒वेम ॥ १ ॥

प्रा॒तर्जितं॑ भग॑मु॒ग्रं हु॒वेम व॒यं पु॒त्रमदि॑तेर्यो वि॒धर्ता ।  
आ॒र्द्ध॒श्चि॒द्यं म॒न्य॒मानस्तु॑रश्चि॒द्राजा॑ चि॒द्यं भगं॑ भ॒क्षीत्याह॑ ॥ २ ॥

भग॑ प्रणै॒तर्भग॑ सत्य॒राधो॑ भगे॒मां धिय॑मु॒दव॑ददन्नः ।  
भग॑प्रणो॒ जनय॑ गोभि॒रश्वै॑र्भग॒प्रनृ॑भिर्नृ॒वन्तः स्याम ॥ ३ ॥

उ॒तेदा॒नीं भग॑वन्तः स्यामो॒त प्र॑पि॒त्व उ॒त मध्ये॑ अ॒ह्नाम् ।  
उ॒तोदि॑ता म॒घव॑न्त्सूर्य॑स्य व॒यं दे॒वानां॑ सु॒मतौ स्या॑म ॥ ४ ॥

भग॑ ए॒व भग॑वा॒ अस्तु॑ दे॒वास्तेन॑ व॒यं भग॑वन्तः स्याम ।  
तं त्वा॑ भग॒ सर्व॑ इज्जो॒हवीमि॑ स॒नो भग॑ पुर ए॒ता भवे॑ह ॥ ५ ॥

सम॑ध्व॒रायोष॑सोऽनमन्त दधि॒क्रावे॑व शुच॑ये प॒दाय॑ ।  
अ॒र्वाची॑नं वसु॒विदं॑ भग॒न्नो रथ॑मि॒वाश्वा॑वा॒जिन॑ आव॒हन्तु ॥ ६ ॥

अश्वा॑वती॒र्गोम॑तीनं उ॒षासो॑ वी॒रव॑तीः स॒दमु॑च्छन्तु भ॒द्राः ।  
घृ॒तं दु॒हाना॑ वि॒श्वतः॑ प्रपी॒नायू॑यं पा॒त स्व॑स्तिभिः स॒दा नः ॥ ७ ॥

यो मा॑ऽग्ने भा॒गिन॑ स॒न्तम॑थाभा॒गं चि॒कीर्ष॑ति ।  
अभा॑गम॒ग्ने तं कुरु॑ माम॒ग्ने भा॒गिनं॑ कुरु ॥ ८ ॥